



**Broj: T01 0 KT 0043606 24**

**Dana: 14.10.2024. godine**

**KANTONALNOM SUDU U BIHAĆU  
-sudiji za prethodno saslušanje-**

Na osnovu odredbe člana 45. stav 2. tačka i), a u vezi sa odredbama člana 241. stav 1. Zakona o krivičnom postupku F BiH, **p o d i ž e m:**

**O P T U Ž N I C U**

**PROTIV:**

**ZIAN URZADA**

**DA JE**

Dana 22.07.2023.godine, oko 18,00 sati, u gradskom parku, Grad Bihać, skupa sa trojicom njemu poznatih lica migranata – afganistanskog porijekla, s ciljem da sebi pribave protupravnu imovinsku korist, svjestan da opasnim oruđem – nožem može drugog teško tjelesno povrijediti i htijući to prišli R. Z. M. i licu po imenu V., migrantima iz Afganistana pa dok su trojica nepoznatih migranata od kojih jedan ima nadimak S., a drugi nadimak K., čuvali stražu, Zian Urzada zahtijevao od R. Z. M. i V. da mu odmah predaju novac i druge dragocjenosti pa kada je R. Z. M. rekao da mu ne da novac, Zian Urzada ga je uhvatio za majicu i počeo vući, a ovaj je u cilju da se odbrani od njegovog napada udario ga tri puta zatvorenom šakom u predjelu lica i ramena, nakon čega je Zian Urzada iz zadnjeg džepa hlača izvadio nož nepoznate marke i veličine, porezao desni dlan R. Z. M., koji je pao na zemlju, a potom ga ubo nožem u predjelu stomaka nanijevši mu pritom ubodno reznu ranu prednjeg trbušnog zida sa prodorom ubodnog kanala u trbušnu duplju koja povreda je teška i po život opasna tjelesna povreda, a njegov prijatelj V. je više puta povikao „Help“, tražeći pomoć, nakon čega su Zian Urzada i trojica NN migranata pobjegli sa lica mjesta u nepoznatom pravcu.

**Dakle**, u sastavu grupe ljudi, upotrebom opasnog oruđa pokušao oduzeti tuđu pokretninu s ciljem da njenim prisvajanjem sebi pribavi protupravnu imovinsku korist pri čemu je jedna osoba s umišljajem teško tjelesno povrijeđena

**Čime je** počinio krivično djelo - Razbojništvo u pokušaju iz člana 289. stav 2. u vezi sa stavom 1. KZ F BiH, a sve u vezi sa članom 31. i članom 28. KZ F BiH.

Slijedom navedenog stavljam:

**PRIJEDLOG**  
**dokaza koje treba izvesti**

1. **Da se u svojstvu svjedoka ispituju:**
  
2. **Da se u svojstvu vještaka ispita:**
  
3. **Da se izvrši uvid i pročita:**
  
4. **Da se izvrši pregled:**

**REZULTATI ISTRAGE**

**Dokazi koji potkrjepljuju navode optužnice:**

Na osnovu člana 151. stav 1. i 2. Zakona o krivičnom postupku Federacije Bosne i Hercegovine Sudu stavljam:

**P R I J E D L O G**

Da Kantonalni Sud u Bihaću nakon potvrđivanja ove optužnice prema optuženom Zian Urzadu iz razloga propisanih odredbom člana 146. stav 1. tačka a) ZKP-a F BiH.

**PRODUŽI MJERU PRITVORA**

Na način da dispozicija rješenja o produženju pritvora sadrži decidno određenje Suda da se pritvor prema optuženom produžava nakon potvrđivanja optužnice i da po tom rješenju pritvor može trajati najduže 2 (dvije) godine za krivično djelo iz optužnice za koje se po zakonu može izreći kazna zatvora preko 10 (deset) godina, ali ne i kazna dugotrajnog zatvora, uz naznaku da će Sud kontrolu opravdanosti pritvora vršiti po isteku svaka dva mjeseca od dana donošenja posljednjeg rješenja o pritvoru.

**RAZLOZI KOJI SE VEZUJU ZA PRIJEDLOG DA PREMA OSUMNJIČENOM BUDE  
PRODUŽENA MJERA PRITVORA SU SLJEDEĆI:**

**Kantonalno tužilaštvo Unsko-sanskog kantona smatra da su u konkretnom slučaju ispunjeni kako opći tako i posebni uvjeti za produženje pritvora prema osumnjičenom Zian Urzad tj. da postoji osnovana sumnja, kao viši stepen sumnje da je osumnjičeni počinio krivično djelo koja mu se stavlja na teret ovom optužnicom i da su ispunjeni posebni uslovi propisani u članu 146. stav 1. tačka a) ZKP-a F BiH.**

**KANTONALNO TUŽILAŠTVO TAKOĐER CIJENI DA SU U KONKRETNOM SLUČAJU ISPUNJENI I POSEBNI USLOVI ZA PRODUŽENJE PRITVORA PROPISANI ČLANOM 146. STAV 1. TAČKA a) ZKP-a F BiH.**

Iz navedenih razloga stavljam:

**PRIJEDLOG**

Da sud nakon potvrđivanja optužnice prihvati prijedlog Tužilaštva i da optuženom Zian Urzada produži pritvor iz razloga propisanih članom 146. stav 1. tačka a) ZKP-a F BiH, (u skladu sa odredbom člana 151. ZKP-a F BiH).

**KANTONALNI TUŽILAC**